



Broj: 03-03-05-20864/16
Sarajevo, 10.06.2016. godine

SKUPŠTINA KANTONA SARAJEVO
N/r predsjedateljice, prof. Ane Babić

**PREDMET: Odgovor na zastupničko pitanje zastupnika Rasima Lakote u vezi sa
Registracijom udruženja, dostavlja se -**

Na 15. redovnoj sjednici Skupštine Kantona Sarajevo, održanoj 30.05.2016. godine, u okviru tačke dnevnog reda "Zastupnička pitanja, inicijative i odgovori", zastupnik u Skupštini Kantona Sarajevo Rasim Lakota postavio je zastupničko pitanje Ministarstvu pravde i uprave Kantona Sarajevo i Ministarstvu finansija Kantona Sarajevo, koje glasi:

"Jako me interesuje da li su sva udruženja koja su upisana u registar kod Ministarstva pravde i uprave Kantona Sarajevo aktivna, na koji način se vrši nadzor nad njihovim radom, ako se vrši i kako se finansiraju.

Dodatno me interesuje koliko se sredstava za rad ovih udruženja izdvaja iz kantonalnog budžeta i na koji način se osigurava transparentnost dodjele tih sredstava.

Tražim da mi se dostavi pregled izdvajanja za ove namjene, po ministarstvima, razvrstano prema vrstama registrovane djelatnosti i iznosu dodijeljenih sredstava?"

Razmatrajući zastupničko pitanje zastupnika Rasima Lakote, a nakon izvršenih provjera, iz okvira nadležnosti Ministarstva pravde i uprave Kantona Sarajevo dajemo:

ODGOVOR:

Kod Ministarstva pravde i uprave Kantona Sarajevo, a u skladu sa odredbama Zakona o udruženjima i fondacijama ("Službene novine Federacije Bosne i Hercegovine", broj 45/02) i Pravilnika o načinu vođenja registru udruženja i fondacija i stranih i međunarodnih nevladinih organizacija ("Službene novine Federacije Bosne i Hercegovine", broj 61/02) upisano je ukupno 2152 udruženja.

Od navedenog broja Ministarstvo pravde i uprave Kantona Sarajevo donijelo je 143 rješenja o prestanku rada udruženja iz razloga što udruženja iz finasijskih razloga nisu mogla dalje djelovati, kao i zbog nezaiteresovanosti članova udruženja za dalje djelovanje udruženja. Postupak za donošenje rješenja o prestanku rada udruženja pokreće se po zahtjevu udruženja.

Nadzor nad radom udruženja vrše nadležni organi uprave kako je propisano odredbama člana 47. Zakona o udruženjima i fondacijama ("Službene novine Federacije Bosne i Hercegovine", broj 45/02), koji glasi:

"Član 47.

Nadzor nad zakonitošću rada udruženja i fondacija vrši nadležni federalni odnosno kantonalni organ uprave u čije područje spada praćenje stanja u oblasti na koju se odnosi djelatnost udruženja ili fondacije."

Što se tiče novčanih izdvajanja za rad udruženja Ministarstvo pravde i uprave Kantona Sarajevo ne raspolaže sa takvim podatkom.

S poštovanjem,

21-06-2016

Dostaviti:

1. Službi za skupštinske poslove Kantona Sarajevo
2. Stručnoj službi Vlade Kantona Sarajevo,
3. Ministarstvu finansija Kantona Sarajevo,
4. a/a.

